




VIM LI CAS QHOV NO THIAJ TSEEM CEEB

Cov me nyuam yaus uas ntsib kev txom nyem fab nyiaj txiag feem ntau yuav raug kev thuum saib tsis taus, muaj kev txhawj txob thiab muaj kev nyuaj siab, thiab yuav ua rau muaj teeb meem kev quav yeeb tshuaj dej cawv. Cov me nyuam yaus uas raug kev txom nyem thaum lawv tseem yau thiab cov neeg uas ntsib kev txom nyem fab nyiaj txiag los ntev yog cov uas muaj kev pheej hmoo tshwj xeeb. Vim tias txoj kev txom nyem thaum tseem yau yuav tuaj yeem ua rau lub moj khaum ntawm lub hlwb muaj kev hloov pauv, tej kev pheej hmoo txog kev noj qab haus huv fab siab ntsws no tuaj yeem nyob nrog cov me nyuam yaus mus txog thaum lawv loj hlob mus ua neeg laus yog tias tsis muaj kev cuam tshuam pab thiab kev tiv thaiv thaum ntsov ua ntej.



YAM UAS KEV TSHAWB NRHIAV HAIS LOS

Kev txom nyem ntawm cov me nyuam yaus hauv Teb Chaws Meskas tau nce ntxiv 158% hauv sij hawm peb lub xyoos. Cov cai hais txog kev lag luam los ntawm kev muaj kab mob sib kis – feem ntau yog kev nthuav dav Cov Credit Them Se Rau Me Nyuam Yaus – tau pab txoj kev txom nyem ntawm me nyuam yaus nqis tau ceev heev mus txog qhov qis tshaj plaws li 5.2% hauv xyoo 2021. Txij li thaum kev nthuav dav cov credits no tas sij hawm lawm, txoj kev txom nyem ntawm me nyuam yaus tau nce mus ua 13.4% hauv xyoo 2024.¹



Cov kws tshawb fawb yeej pom yam sib txuas zus tias cov khoos kas thiab cov cai uas pab txoj kev txom nyem fab nyiaj txiag rau cov niam txiv ua rau muaj ntau yam txiag ntsig zoo rau cov me nyuam yaus, suav nrog kev txhim kho kev noj qab haus huv kom zoo dua qub tuaj.² Cov credits them se rov qab xws li Cov Credits Them Se Rau Me Nyuam Yaus (Child Tax Credits, CTCs) thiab Cov Credit Them Cov Se Nyiaj Tau Los Ntawm Kev Ua Hauj Lwm (Earned Income Tax Credit, EITC) yog cov uas muaj txiag ntsig zoo tshwj xeeb.³ Vim tias kev txom nyem fab nyiaj txiag yog muaj feem cuam tshuam nrog cov txiag ntsig fab kev kawm, kev cim xeeb, thiab kev sib raug zoo tsis zoo, cov khoos kas kev nyab xeeb uas pab daws kev txom nyem yog kev nqis peev ncuu sij hawm ntev rau cov me nyuam yaus. Cov kev cuam tshuam no yog yuav tswm sim mus ncuu sij hawm ntev thiab ib tiam dhau ib tiam.⁴

Vim yog cov nqi uas thau yus hnab los them rau kev kho mob fab cwj pwm tau nce siab heev hauv ntau xyoo dhau los no, kev muaj ib tug me nyuam uas xav tau kev saib xyuas kho mob rau kev noj qab haus huv fab siab ntsws thiab li yuav ua rau tsev neeg muaj kev pheej hmoo ntsib kev txom nyem fab nyiaj txiag ntau ntxiv tuaj.⁵


Tsis tas li xwb, kev tshawb fawb kuj tseem pom hais tias cov tub ntxhais hlluas tsis muaj kev cia siab rau lawv txoj kev nyiaj txiag yav tom ntej lawm – 70% ntseeg tias lawv yuav muaj teeb meem nyiaj txiag ntau tshaj li lawv niam lawv txiv – uas kuj yuav muaj kev cuam tshuam rau lawv txoj kev noj qab haus huv fab siab ntsws tib si thiab.⁶

MUAJ DAB TSI TAB TOM TSHWM SIM HAUV WISCONSIN?

Muaj kev txom nyem fab nyiaj txiag tshwm sim thoob plaws Wisconsin. Plaub ntawm 10 tus me nyuam hauv Wisconsin (40%) nyob rau hauv cov tsev neeg uas muaj kev txom nyem.⁷ Ib feem peb ntawm cov me nyuam nyob deb nroog (32%) thiab cov me nyuam nyob hauv nroog (33%) tau txais kev saib xyuas kho mob los ntawm BadgerCare Plus, uas yog lub lav lub khoos kas Medicaid.⁸ **Ntau tsev neeg hauv Wisconsin muaj cov nyiaj tau los siab dua tsoom hwm teb chaws qib kev txom nyem, tab sis qis heev uas tuaj yeem ua rau lawv tsis muaj peev xwm yuav taus cov khoom siv txhua hnub.**⁹ Tag nrho cov tsev neeg no thiab cov neeg nyob nrog txoj kev txom nyem yeej sib cog nyob thoob plaws lub lav, raws li nthuav qhia rau hauv daim phiaj qhia chaw.¹⁰

Cov Tsev Neeg Txom Nyem hauv Wisconsin

Qhov Feem Pua Uas Qis Dua Tsoom Hwm Teb Chaws Qib Kev Txom Nyem Xyoo 2019-2023



Txawm hais tias cov tsev neeg txom nyem yeej yog ib qho nquag pom muaj hauv Wisconsin los xij, tab sis cov me nyuam txom nyem muaj feem yuav raug kev thuum saib tsis taus ntau tshaj ob npaug.¹¹

KEV TXOM NYEM NYIAJ TXIAG THIAB KEV NOJ QAB HAUS HUV FAB SIAB NTSWS NTAWM COV ME NYUAM YAUS (FINANCIAL HARDSHIP AND CHILDREN'S MENTAL HEALTH)



YAM UAS PAB TAU

Cov kws tshawb fawb tab tom tshawb pom tias lub hlwb muaj peev xwm hloov pauv tau li cas, uas yog tau nrhiav pom muaj ntau lub hww tsam los cuam tshuam pab thaum tseem yau thiab daws kho tej kev puas tsuaj uas kev muaj kev ntxhov siab los ntev yuav tuaj yeem muaj rau lub hlwb.

Vim yog lub hlwb muaj peev xwm hloov pauv tau yooj yim, kev muab [Tej Kev Paub Kev Pom Mus Rau Sab Zoo Thaum Yau \(Positive Childhood Experiences, PCEs\)](#) kom ntxov li ntxov tau thiab mus kom txog thaum lawv tiav huas thiaj li yuav ua rau muaj qhov sib txawv. Kev nyeem ntau thiab kev hu nkauj rau koj tus me nyuam mos mloog yuav pab tsim kom muaj kev sib raug zoo ruaj khov; kev nrog cov me nyuam yaus thiab cov tub ntxhais huas ua si thiab sib tham yuav pab tsim kom muaj kev sib raug zoo. Kev ua ib tug neeg mloog uas ntseeg siab tau thiab yog ib qho chaw muab kev pab rau cov tub ntxhais huas yuav ua rau lawv muaj kev sib raug zoo yam tau txais kev txhawb pab tob dua qub tuaj. Nyob rau txhua ncu, cov kev coj ua no yuav tsim txoj kev sib raug zoo thiab kev txawj sib yooj, uas yog qhov tseem ceeb rau kev noj qab haus huv fab siab ntsws.

YAM UAS PEB TUAJ YEEM UA TAU

COV NIAM TXIAG THIAB COV NEEG SAIB XYUAS

- Txhawb kom muaj txoj kev sib raug zoo ruaj khov thiab tau txais kev txhawb pab nrog koj tus me nyuam.
- Paub tias koj txoj kev ntxhov siab yuav muaj feem cuam tshuam rau koj tus me nyuam. Ua ib tug qauv zoo qhia txog kev txawj daws teeb meem txhawm rau los hais daws kev ntxhov siab.
- Ua ib tug neeg ua tib zoo mloog. Nug koj tus me nyuam hais txog lawv lub neej hauv tsev kawm ntawv thiab lub neej nrog tej phooj ywg kom piov rau koj tau mloog xwb. Nug lawv seb lawv hnov zoo li cas thiab xav li cas. Kev sib tham yuav tuaj yeem daws kev ntxhov siab thiab kev txhawj xeeb tau.

COV NEEG TSIM CAI

- Txhawb cov cai uas pab txo kev txom nyem thiab kev ntxhov siab fab nyiaj txiag rau cov me nyuam yaus, uas yog suav nrog tab sis tsis txwv rau CTC, EITC, cov puas noj pub dawb hauv tsev kawm ntawv thoob teb chaws, thiab kev luv nqi rau cov kev pab cuam kho mob rau kev noj qab haus huv fab siab ntsws rau cov me nyuam yaus. Cov cai no yuav pab txo qhov teeb meem kev nyuaj siab fab nyiaj txiag; ua kom tuaj yeem kev nkag tau mus rau kev saib xyuas kho mob rau kev noj qab haus huv fab siab ntsws tau ntau dua qub tuaj; txhim kho tej xwm txheej hauv tsev kawm ntawv; thiab txo kev raug ntxub ntxaug thiab kev raug thuum saib tsis taus.^{12,13,14}
- Txhawb pab nyiaj txiag rau cov kev coj ua rau kev tiv thaiv uas yeej pom tias tau txais txiaj ntsig zoo lawm, suav nrog cov khoos kas kev nyab xeeb uas pab cov tsev neeg them nyiaj yuav tej yam khoom uas xav tau qib tiag tau xws li vaj tse nyob, zaub mov noj, thiab cov nqi saib xyuas me nyuam.¹⁵

COV KWS MUAB KEV PAB CUAM

- Piv qhia seb Tej Kev Paub Kev Pom Mus Rau Sab Zoo Thaum Yau yuav tiv thaiv cov me nyuam li cas, txawm tias yog cov uas loj hlob los nrog txoj kev txom nyem fab nyiaj txiag los xij.
- Pab cov niam cov txiv txhim kho lawv cov txuj ci kev daws teeb meem kom lawv tuaj yeem daws tau lawv tus kheej tej kev ntxhov siab mus rau txoj hau kev uas noj qab nyob zoo, tshwj xeeb tshaj mas yog cov neeg uas muaj kev txom nyem fab nyiaj txiag.

COV TSEV KAWM NTAUV

- Tsim kom muaj thaj chaw zoo siab txais tos uas tsom mus rau kev ua kom txhua tus tub ntxhais kawm hnov tau tias yog ib feem.
- Siv daim phiaj qhia kev sib raug zoo kom paub tseeb tias txhua tus tub ntxhais kawm yeej muaj ib tug neeg laus muab kev txhawb pab los ua lub chaw sab laj.
- Muab kev pab rau cov puas noj pub dawb hauv tsev kawm ntawv thoob teb chaws.
- Tsim kom muaj txoj kab lis kev cai uas tiv thaiv kev thuum saib tsis taus.
- Txhawb cov tsev neeg uas muaj kev txom nyem fab nyiaj txiag thiab muab lawv txuas mus rau cov peev txheej hauv zej zog.



COV ZEJ ZOG

- Muab cov kev xaiv tom qab lawj ntawv uas nqi pheej yig thiab txais tos txhua tus. Tsim kom muaj cov kev pab cuam tiv thaiv kev thuum saib tsis taus.
- Pab kom muaj vaj tsev nyob zoo rau cov neeg tau nyiaj tsawg kom ntau dua qub tuaj.
- Pab cov tsev kawm ntawv daws cov teeb meem kev thauj mus los rau cov me nyuam yaus.
- Tsim kom muaj ib lub laj txheej zaub mov noj hauv cheeb tsam uas muaj lub zog loj los daws teeb meem kev tsis muaj zaub mov txaus noj.

Cov chaw muaj ntau ntawv los:

¹ Institute on Taxation & Economic Policy, [Blog](#), 2025.

² Child Trends, [Research Brief](#), 2024.

³ AECF, [Blog](#), 2025.

⁴ Aizer et al. American Economic Review. [The Long-Run Impact of Cash Transfers to Poor Families](#), 2016.

⁵ Foster et al. JAMA Pediatrics. [Expenditures for Pediatric Behavioral Health Care Over Time and Estimated Family Financial Burden](#), 2026.

⁶ Harvard Kennedy School, [Harvard Youth Poll](#), 2025.

⁷ Kids Count Data Center, [Children Below 250% Poverty in Wisconsin](#), 2025.

⁸ Georgetown University McCourt School of Public Policy, [Medicaid's Role in Small Towns and Rural Areas](#), 2025.

⁹ United for ALICE, [Mapping Financial Hardship](#), 2023.

¹⁰ National Institutes of Health, HDPulse: [Poverty for Wisconsin by County](#), 2023.

¹¹ Wisconsin Department of Public Instruction, [2021 YRBS Comparison Tables](#), 2023.

¹² Toossi. USDA, Economic Research Service. [Cost of School Meals and Households' Difficulty Paying for Expenses](#), 2023.

¹³ Food Research & Action Center, [The State of Healthy School Meals for All](#), 2025.

¹⁴ Gutierrez. Annenberg Institute at Brown University. [The Effect of Universal Free Meals on Student Perceptions of School Climate](#), 2021.

¹⁵ Stanford Center on Early Childhood, [RAPID Survey Project](#), 2025.



WISCONSIN OFFICE OF
**Children's
Mental Health**

children.wi.gov